

## **Vitæ D. N. Iesv Christi Monotessaron Evangelicum**

**Heser, Georg**

**Monachii, 1657**

191. Parabola trigesima prima. De invitatis ad cænam magnam.

---

---

**Nutzungsbedingungen**

[urn:nbn:de:hbz:466:1-56533](#)

## MEDITATIO CXI.

*Parabola XXXI. De invitatis ad cœnam magnam. X. MEDITATIONES.*

I. **H**omo quidam fecit cœnam magnam, & vocavit multos. Et misit servum suum horâ cœnæ dicere invitatis, ut venirent, quia jam parata sunt omnia. *Luc. 14. v. 16. & 17.*

II. Et cœperunt simul omnes excusare. Primus dixit ei: Villam emi, & necesse habeo exire, & videre illam: Rogo te, habe me excusatum. Et alter dixit: Iuga boum emi quinque, & eo probare illa: Rogo te, habe me excusatum. *Luc. 14. v. 18. & 19.*

III. Et alius dixit: Vxorem duxi, & ideo non possum venire. Et reversus seryus, nunciavit hæc domino suo. Tunc iratus paterfamilias, dixit servo suo: Exi citò in plænas & vicos civitatis, & pauperes, ac debiles, & cæcos, & claudos introduc huc. Et ait servus: Domine, factum est, ut imperâsti, & adhuc locus est. *Luc. 14. v. 20. 21. 22.*

IV. Et ait dominus servo: Exi in vias, & sepes: & compelle intrare, ut impleatur domus mea. Dico autem vobis, quod nemo

viro-

D. N. IESV CHRISTI. 177

virorum illorum, qui vocati sunt, gustabit  
cœnam meam. *Luc. 14. v. 23. & 24.*

## MEDITATIO CXCII.

*Parabola XXXII. Dedenem virginibus, quarum quinque prudentes,  
quinque fatuae.*

I. **S**imile est regnum cælorum decem virginibus : quæ accipientes lampades suas, exierunt obyiam sponso & sponsæ. Quinque autem ex eis erant fatuae, & quinque prudentes. Sed quinque fatuae, acceptis lampadibus, non sumpserunt oleum secum : prudentes vero acceperunt oleum in vasis suis cum lampadibus. *Matth. 25.*  
*Vers. 1. 2. 3. 4.*

II. Moram autem faciente sponso, dormitaverunt omnes, & dormierunt. Mediâ autem nocte clamor factus est : Ecce sponsus venit, exite obyiam ei. Tunc surrexerunt omnes virgines illæ, & ornaverunt lampades suas. *Matth. 25. v. 5. 6. 7.*

III. Fatuae autem sapientibus dixerunt : Date nobis de oleo vestro, quia lampades nostræ extinguntur. Responderunt prudentes, dicentes : Ne forte non sufficiat nobis & vobis, ite potius ad vendentes, & emite vobis. Dum autem irent emere, venit

H 5 spon-